



# Kan veng LC inthlanah MNF-MPC an chak

## Branch News

Chanmari West, February 26: Chanmari West Local Council seat sarh inchuhin ningani khan primary, middle leh high school-ah inthlan a ni a, rorel lai Congress-in seat hnih an chang a, seat nga latu MNF-MPC tangruah chu returning officer Pu Zothangzuala Chhangte chuan tlingah a puang.

MNF-MPC atangin Pu C Lalmuanpuia (CH) chuan vote 1460 hmuin candidate 16 zinga hmu tam ber a ni a, mi dang pali; Pu Lalliansangpuia (N, vote - 1324), Pu F Zosanga (K, 1289), Pu H Lalramhluna (T, 1247) leh Pu H Vanlalvena (V, 1102)-te an tling. Congress atangin RL Thanhnuna (T, 1165) leh Pu H Lalthuama (V, 1054)-te an tling bawk.

MNF-MPC candidate pasarihte vote hmuh belkhawmin 8209 a ni a, chawhrualin mi pakhatin 1172.7 hmu phak ang an nih lain, Congress candidate pasarihte hmuh belkhawmin 7031 a ni a, chawhrualin 1004.4 a ni ve thung. ZNP-in candidate pahnih neiin ding zinga hmu tlem ber leh a dawttu an ni.

Vote awm zawng zawng 3559 a nih lain 2475 a tla a, 69.5% a ni. Chanmari West hi Aizawl Municipal Council hnuaiah ward No. 6 niin, MNF thlan tlinna ward a ni a, kan ward huam chhunga veng dang pahnih Hunthar Local Council-ah Congress thlan tlin niin Edentharah MNF an tling.

MLA biala Aizawl North III hnuaiah kan awm a, kan bial chhunga veng paruk awmin Edenthar nen Local Council-ah MNF thlan tlinna bial a ni a, Chanmari, Electric, Zarkawt leh Huntharah Congress an tling a ni.

Aizawl khawpuiah Local Council bial 82 awmin 81-ah inthlan a ni a, MNF-in 42 changin Congress-in 29 an la a, inhnehtawka 6 awmin chak bik awm lohna 5 a ni.

Ram puma Village Council inthlannaah Congress-in 285 lain MNF - 132, ZNP - 2, HPC - 1, chak zawk awm lohna 53 leh independent chakna 20 a awm. VC leh LC belkhawmin sorkarna chang mek Congress-in bial 313 lain MNF-in 174 an chang.

### Party hrang hrang dinhmun

(Vote awm zat - 3559, vote tla - 2475 (69.5%), vote thi - 59)

#### INDIAN NATIONAL CONGRESS

1. RL Thanhnuna	1165
2. H Lalthuama	1057
3. Lalthanruma	1024
4. Ramfangzauva	983
5. Vanlalsawma	972
6. J Lalbiaktluanga	956
7. C Lalthazuala	877

#### MNF-MPC

1. C Lalmuanpuia	1460
2. Lalliansangpuia	1324
3. F Zosanga	1289
4. H Lalramhluna	1247
5. H Vanlalvena	1102
6. Vanlalvuana	907
7. K Pahlira	880

#### ZNP

1. Sangthuama Rawite	443
2. VL Thafamkima	323

(Bawm hran chhunga mite hi thlan tlin an ni a, seat sarhah MNF-MPC-in panga, Congress-in pahnih an la)

Kar leh Ni 28.2.2012 (Thawhleh) zan khian Branch Executive Committee meeting tum a ni e.

Kan Branch President Pu T. Ngurkhuma, Fin.Secretary Pu K. Darthantluanga leh Branch Executive member Pu RK Rozidinga te Lunglei a zin pawh dam takin an lo haw e.

Branch Executive member Pu RK Rozidinga'n fapa duhawm tak a nei thar chu kan lawmpui hle.

Local Council Member atana thlan tinte Branch Executive Committee chuan a lawmpuiin, hna tha taka thawk turin duhsakna an hlan. He hunah hian MPF hmingin Branch Executive member-te duty a ni.

Hmun kil khawr Branch YMA-te tanpuina atan heng bungruate hi Central YMA-ah hlan a ni.

- a) Baltin 1 no.
- b) Ketli 1 no
- c) Chawhtawlh 1 no
- d) Tui Bottle 4 nos
- e) Tea Tray 10 nos
- f) No bawm 17 nos
- g) No 663 nos.

YMA Member tur lak leh Census neih chu tun thla chhung hian Section ten Branch Secretary hnenah thehluk fel vek tur a ni e.

Chapchar kut Miss leh Mister thlan turah kan Branch aiawh a tel turin Nl. C. Zonunmawii CH Section leh Tv. H. Zoramthanpuia T Section te chur ruat anni.

Chhiatni fund, YMAAW, member lak leh Census thahnemngai taka khawn leh buaipuitu Section Committee chungah Branch Executive Committee chuan lawmthu a sawi.



#### TUNKAR CHANGVAWN

*"Tinungtu chu Thlarau a ni, tisa chu engmahah a tlaktlai lo; in hnena thu ka sawite hi thlarau a ni, nunna pawh a ni."*

Isaia 1:18

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production. Manager :</b>	R.Lalmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	<i>Pu Lalbiakthanga Khiangte</i>	
	<i>Pu Rothuama, Pi Zamanthangi</i>	
	<i>Pu Lalrengpuia Sailo</i>	

**Editorial :**

Kan sawi tawp theih loh local council inthlan kan zo ta, tunah chuan mi thar, kan khawtlang tana tha tur kan thlang tling a, an rorel dante kan lo thlir ang a, an chak lohnaah sawisel mai lova, puih pawh kan inhuam a tha awm e. Chutihlaiin, kan khawtlang mipui mamawh pawh hnianghnar zawk a sawi chhuak thei tur pawhin beisei ila.

Thisen pe turin kan inbuatsaiha, member tam takin mi dangte tan pe thei ila a duhawm khawp mai. Tam record lam ngai pawimawh ber lem lovin, mamawhtute mamawh thin dan kha hre reng zawk ila, mi dangte tan malsawmna kan nih theih hun tha hi bawhpelh lo hram ang u.

Vengchhunga buaina awm fo thin hi chu a buai thlak khawp mai, police nena tangruala thenfai mai zel hi tum ila, kan mi remchangte pawh hmang thiam ila a tha khawp ang.

Hemi pheh hi kan tihdan hmasa angin kan ti ve leh chhin anih hi. Pathara kan phut chhuak a, a rawn ziah hun hi hun kan ti leh pek khawp mai, thlan tlin tharte tan 'last para' hi kan hlan e. Thlalak kan han dah nual a, la dah lehzal pawh kan tum, thu ziak mite han tang zel teh u, kan lo lawm che u.

**Article : Ka veng VC ka ni dawn ta lo**

- Lalnunthara Sailo

Khatia mahni pian seilena veng VC election-a vawihnih lai mai ka tlak dup hnu khan hruaitu ni lovin mipui ni tur ka ni tih hi hrihfhiah hranpa leh chuan ngai lo hian ka hre ve thiam. VC inthlan hi awm leh thin pawh nise in tarlan ve leh chiah ka ngai tawh lo. Hei VC chu Local Council-in a thlak ta si a, kan vengah hian VC member chu ka ni thei dawn ta lo tih hi Luka ziak tlukin a chiang ta.

Khawtlang hruaitu tur thlanna kan hmachhawn hian 'house to house campaign' hi ngai lo turah ka ngaia, candidate te reng reng hi vengchhungpa kan hmelhriat sa, khawtlang tana an hnathawh leh an inpek dan chin kan hriat sa anni tlangpui a. An lehkha semah thlalak, hming, pa hming, nupui te hming nen chiang takin an tarlanga. Mipangngai tan chuan in-a an rawn campaign kher loh hian rilru a siam theih. Mahse chuti chung chuan kan inah pawh tum hnih tum thum rawn lut an awm a, kan kalpui dan hi a hun laia lehkha zir peih si lo exam hall a tang leh thut ang chi nen hian ka khaikhin deuh.

Khawtlang hruaitu tur thlangtute hian ngaihtuahna kan seng peih lutuk lovin ka hria. Khawtlang hruaitu tur thlang na na na, biak inah khuang a pu thin, khawharinah thu a sawi peih, a hmel hi ka khawngaih zawng tak a ni. Kan party mi leh sa a ni a, kan khawchhuak a ni a, ka fate leh a fate an inkawm a, hmanah work camp-ah kan kal ho tawh a, kan kohhran lawina a in ang a, chi khat kan ni a, hmanah kan fapa leh an fanu an inngaizawng a, hmanah ngaihzawng kan lo intawm ti tih tawh a, ruahsur laiin nihliap min zawn tawh a tih vel avangin kan in vote leh ngawt thin.

Khawtlang hruaitu tur kan thlanchhuah dawn chuan kan khawtlang tan a finna, a theihna, a thiamna, a inpekna hi a tha ang em? Hmathlir a nei tha em? A rorel a lai ang em? Khawtlang tana tha lo tur huai takin a do ngam ang em? Khawtlang tana tha tur huai takin a bawhzui ngam ang em? A hun kal tawhah khawtlang tan eng tiangin nge ke a lo pen tawh tih te hi tehna kan hman tur zawk niawm tak a ni. Utawh pawh nise kan party mi leh sa a nih chuan ka vote tho ang tih ngaidan hi bansan a hun tawh hle niin kei chuan ka hria.

Inthlanna thianghlim lo hi Kristian kan

nih vang leh mihring chhia leh tha hriatna nei kan nih avangin kan huain kan do ngam turah ka ngai a. Ka hriatchian ve em em chu, voter tu emawin a vote kha thlak lova rawn ak chhuakin a rawn zuara, mahni duhna takah mi vote kha thlak turin lei theih in a awm a, ka lei duh lova, mi dang a zawrha, an lei ta em chu ka hre lova, kha tiang kha lei loh tur a ni. A nihna takah chuan Police man tir tur a ni.

Tlin kan duh avang hian zu leh sa, pawisa dik lo taka chelek kan hnial lova, mi vote thlak ai thlak pawh kan hreh lo thin, hetiang thil tha lo hi kan sim a hun tawh. Kohhran, YMA, MUP, MHIP leh thil dik leh tha duh pawl thilah kan inhmangin kan tha hle a, political party thila thil chhe deuh kan duh leh si hi kan sim tur pawimawh tak a ni.

Chanmari West-ah hian hmasawmna tur thil a lut lo a ni bik lo a, hmasawmna tura lo lut pawisa hi a thawh tur ang tak thawh tir loh vin, hlep tam kan duh luatah kawng, ko lungrem, luikawr rem etc hi a thawktute thawhchhiat avangin a tha lova, vantlangin thil chhia kan neih phah thin.

Thil chhia kan neih chhan hi sawrkar lam thiam loh nilovin biak in khata kan lawipuite thiam loh a ni zawk. Hetiang a lo nih thin avang hian step tlabalah kan ke kan bilh a, lungrem chimin kan kawng a hnawh ping a, kawr lungrem chhiat vangin kan inhmun a min a, ruahtui leh thildang puh tur kan zawng a, a bul kan chhui thleng lo thin. Khawtlang hruaitute hian khawtlang thil tur thawktuten an thawh tha lo a nih chuan siamthat tir ngam a, an thawh lai enpui a, sawisel ngai sawisel sak ngam a hun ta hle.

Tunah hian VC/LC vawiriat kan thlanna a ni a, kan thlantlin ten kan veng an enkawl tawh dan, dan leh thupek an lekkawh tawh dante kan la hre reng hlawmin ka ring a (Ui khawlaia chhuak i la hmu ngai em? In kalpawhna kawng a tha hlawmin i hria em? Luikawr a tha tawh em? Thil kalphung pangngai baka tha leh rotling vantlang min hnutchhiah em?)

India ram a changkang chho zela, Mizoram pawhin hma a sawn zel a, Chanmari West pawhin hma a sawn ve zel tur a ni. Kan veng hmasawm leh sawn loh hi mipuite kutah a tlem zawk a inngata, a tam zawk chu kan hruaitu atana kan thlantlinte kutah a inngat a ni.

**2012 Thuvawn**

*I awmdan tur chu  
LALPA chungah nghat  
la; Amah chu ring la,  
aman a ti vek ang.*

**VANAPA**

- ☞ Thawhtan zingkar khan Asst Leader Pu H.Vanlalvena inah Section Committee neih a ni.
- ☞ Section chhungah Thisen pe tur an rawn zawng mek a, pe thei theuh turin an inngen a ni.
- ☞ An hruaitu hlui NI R.Lalrinthangi'n Bethlehem lamah pasal a nei chu an lawmpui rualin an ui takzet a ni.
- ☞ An member Pu H.Lalthuama leh Asst Leader Pu H.Vanlalvena te Local Council member atan thlan tlin an ni chu an lawmpui takzet a ni.
- ☞ Pi Biakmawii W/o Thlamkunga (L) damlohna in a tlakbuak mek.Pi Laldinpuii d/o Lianzothangi pawh damlohna avangin Durtlang lamah a awm mek bawk.
- ☞ Zirtawp zan khan Doordarshanah member 17, DD Talk show-ah audience-in tel a ni.

**NEUVA**

- ☞ An Committee Member Pu Lalliansangpuia Local Council Member- a an thlang tling chu an lawmpui hle a, An hruaitu te pahnih tlingzo ta lo te pawl antih pui hle.
- ☞ Kum 2012 YMA Census chu peihfel in, Branch YMA a submit a ni tawh a, Tun dinhmunah hian chhungkaw 193 an awm.
- ☞ Chhياتni Fund leh YMA AW man te hruaitu ten arang thei ang ber a ti fel turin an inngen.

**CHAWNGBAWLA**

- ☞ An hruaitu Pu C. Lalmuanpuia chu Local Council inthlanna-ah hneh taka thlan a ni chu an lawmpui hle. Khawtlang enkawlina kawngah fel tak leh dik taka a kal theih nan duhsakna an hlan.
- ☞ Khawtlang a muan zawk theih nan duty thin a ni a, duty te thingpui leh a hmeh hluitu Rev. B. Ropianga leh Pu R. Rokima te chhungkaw chungah lawmthu an sawi.
- ☞ Branch YMA hminga civil hospitala thisen pek turah section member-te lo inla fit turin an ngen.
- ☞ Exam runpui a lo ni leh ta a, mipuite exam ti buai zawnga bengchheng siam lo turin an ngen.
- ☞ Tun dinhmunah section member 537 an awm.
- ☞ Tunlaiin khua a ro leh tan ta hle a, mipuite kangmei chhuak thei lakah fimkhur turin an inchah.
- ☞ Pu C. Lalramdina chu lunglam thatlohna avangin New Life Hospital-

ah a awm a, a dam leh thuai section Committee chuan a duhsak hle.

**TAITSENA**

- ☞ An section chhungah YMA member lak zawh a niin, YMA member 609 an awm a, Mipa 413, Hmeichhia 196 an awm a. Life member 51 an awm bawk.
- ☞ Kumin chhungin Faina hnatlang tum hnih neih tawh a niin. Hnatlang a thawk chhuakte chungah lawmthu an sawi.
- ☞ An Section chhungah Census neih zawh tawh a niin, chhut that mek a ni.
- ☞ An Member Pu C.Sangkhuma chu Deputy Director-ah a kaisang a, an lawmpuiin an chhuang hle.
- ☞ Pi Lalthlani w/o Pu Laldawla Rawihte chu Motorin chil palhin, a ngal rek ruh a tliak a, a dam leh thuai an duhsak hle.
- ☞ Aizawl Hospital a hman tura Thisen pe thei turte hruaitute'n mahni bial theuhah zawngin Ni 28.2.2012 ral hmain Secretary hnenah thehltur turin an inhriattir.
- ☞ An hruaitu Tv H.Lalnunzira AFC tana inkhel a kal pawh dam takin a lo haw ta.
- ☞ An hruaitu Pu H. Lalramhluna leh Branch Secretary Pu RL Thanhnnun-ate Local Council inthlan a an tling chu an lawmpui hle.
- ☞ An Memnber NI Vanlalhruaii ke ruh tliak chu a dam leh thuai an beisei.
- ☞ An Leader Pu RK Rozidinga'n fapa duhawm tak a nei chu an lawmpui hle.

**Thlanmual Sub-Committee**

- ☞ Nimin khan thlanmuala thing ro kit leh thlanmual bungraw dahna chhuat siamthat hnatlang a ni. Vice Chairman Pu PC. Lalawmawia te inah zanriah kilho nghal a ni.
- ☞ Thlanmual hriamhrei min tah hriam sak thintu an hruaitu Pu Zothanpuia, T section chungah lawmthu an sawi

**MPF NEWS**

Chanmari West Local Forum Committee chuan Ni 23.2.2012 Local Council inthlan kan neih zawh takah thahnemngai taka min puitu leh tlawmngaih chhuah a taima taka zing atanga tlai thleng a Inthlanna hmun a min puitu, heng - Branch YMA Duty tura ngen te, Branch KTP E.Roll Duty a nileng thawktu zawng zawngte leh MPF Committee Member zawng zawngte chungah lawmthu an sawi a ni.

**KEIMAHNI**

- ☞ YMA AW chhutnaa kan ei tur Chanmari West MNF & MPC Campaign Committee ten min rawn tum sak a, kan lawm hle mai.
- ☞ Kan Branch Assistant Secretary Tv. Zaita birthday kan lawm a, kan tlai puar hle, OB dangte pawhin an B'day zirtawp zanah an rawn lawm ve zel turah kan ngai.
- ☞ Kan Pro. manager Pu Valtea Shillong zinin Ed Board-te Pen tha tak min hawn sak vek a, kan va lawm em.

**THISEN PEK RUNPUI**

**Aizawl Civil Hospital-a hman turin kan Branch YMA chuan Chanmari West Govt. Middle School-ah thisen pek run buatsaih a tum a. Section hrang hrang hruaitute'n a pe thei tur an zawng a, a tam thei ang ber lo inpe tura ngen inni, hruaitute hnena hming pe remchang hman lo pawhin, a hmunah hian kalin, pek mai tur a ni. Tun atang hian memberte pawh lo inla 'fit' tura ngen inni a, Member a tam thei ang ber midangte tana thisen pe tura sawm inni e.**

**CHHIATNI FUND HI**

Kan veng hi Aizawlah pawh veng lian ber pawl kan ni a, mi leh sa pawh kan thahnem ve a, veng te deuh ten kum khatah mi sawm (10) vel emaw chauh an invui liam lai hian keini chuan sawmthum chuang teh meuh mai kum kal ta pawh khan kan thlah liam a ni. Mitthi lumen tum khatah hian sang li nga chuang zet sen angai thin a, YMA hian khawn lamah thahnem kan ngai hle a, kan inthlahrung bawk si a, a hnuai mi ang hi kan hmuh tum leh kan hmuh tawh dan a ni.

Section	Family zat	Target	Achieved	Percentage
Ch Sect	237	56000	49275	88
K Sect	240	54500	31700	59
N Sect	181	36900	10200	28
T Sect	315	62500	43000	69
V Sect	264	60800	31450	52
<b>Total</b>	<b>1237</b>	<b>270700</b>	<b>165625</b>	<b>62</b>

YMA AW hi vengchung chanchin thar hriatna hnar pawimawh tak a ni.

## RED RIBBON FOOTBALL

Local Council Football Team Durtlang Field-a Practice nana lirthei thawhtu Pi Biakhluni 'K' Section leh Pu JH Lalzarmawia 'CH' sect te chungah lawmthu an sawi.

Local Council Football Team tana thil pek petu te chungah hian lawmthu an sawi:

- 1 Tv Lalnunpuia (Lantea) N- Rs 200
- 2 Pu Lalbiakkima Sailo T- Rs 500
- 3 Pu PC Lalawmawia Football -2

Football Team tana Jersey leisaktu Pu Lalmuanpuia T sect chungah lawmthu an sawi.

Chanmari West Local Council Football Team-te an ni a, la tih danglam leh theih a ni :

- |              |                          |    |
|--------------|--------------------------|----|
| 1            | PC Lalrempuia            | T  |
| 2            | Akam Lalnunpuia          | T  |
| 3            | Vanlalhriata             | T  |
| 4            | Lalrinzuala              | T  |
| 5            | H. Lalnunzira            | T  |
| 6            | Lalrinsanga              | T  |
| 7            | R. Zoramthara            | N  |
| 8            | G. Lallawmawma           | N  |
| 9            | Peter Lalchhuankima      | N  |
| 10           | Robert Zoramthara        | N  |
| 11           | Malsawmtluanga (Ibawiha) | K  |
| 12           | Vanlalpeka               | K  |
| 13           | Laltlankima              | K  |
| 14           | Zion Lalramluaha         | K  |
| 15           | R. Lalremruata           | V  |
| 16           | C. Lalbiaktluanga        | V  |
| 17           | Eric Zomuanpuia          | V  |
| 18           | C. Laltanpuia            | V  |
| 19           | Racy K. Lalremmawia      | V  |
| 20           | Laltanpuia               | CH |
| Coach        | Tv R. Lalringheta        |    |
| Asst Coach   | Pu Vanlalnunga           |    |
| Manager      | Pu RK Rozidinga          |    |
| Asst Manager | Pu Lalliansanga          |    |

## Lawmthu

Ni 23.2.2012 a Local Council inthlanna a buaipuitu Official duty leh MPF Local Forum-te chungah lawmthu kan sawi a, Kan Candidate-te hnathawk thei tura min lo thlan tlin sak avang pawhin khawtlang mipuite chungah pawh kan lawm tak zet a ni.

Kan khawtlang hmasawna tura hna an thawhna tur kawngah theih tawp chhuah a ke an penna turah Kohhran mi te, NGO zawng zawng te leh Khawtlang mipuite lo finchhuah a, lo tawngtai sak thin turin kan ngen tak meuh meuh che u a ni.

Chanmari West MNF & MPC Campaign Committee

## VOLLEYBALL NEWS

Vawiin chawhma inkhawm ban hian veng chhung Volleyball player zawng zawng Pu C. Lalthanzuala te inah hruaitute nen thu pawimawh tak sawi ho tura kal vek tur a ni e.

## ZOFA NEWS

Hnam Lam zirna atan phal taka Indoor stadium hmantirtu Management Committee chungah lawmthu an sawi.

Chapchar Kut ami tur leh A.I.R a record tur Hnam Lam leh Zai zir mek a ni a, member te thahnemngai taka zir zel turin an inngen.

An hruaitu Pu RK Rozidinga'n fapa thar duhawm tak a nei chu an lawmpui hle. Naute thar lawmna hun ropui tak a buatsaih ngei an ring.

## NGENNA

YMA Park CH-Section leh Turning Point (Sub-Centre kawt) N- Section-ah zan riaka motor dah phal loh a ni a, dah lui tlat in la awm a, dah tawh lo tura hriattir in ni, in dah leh a in motor in a lo tuar anih pawha lo hrethiam tura ngen in ni.

## HETAH HIAN SMS LA

>>9862358337<<

Indoor stadium hnuai, Anganwadi kawng hi tlak dal siam vat ava tha ve, naupangte tan a hlauhawm hle mai, a ko a sang si a.

87941---95

T-Section huamchhung, Presbyterian Biak In chhak, kawng kuala zanrei tawh a zurui tawng vak vak thin ho hian veng an ti thing hle mai, sim vat chi. Mi te'n an ning che u. A bik takin Kohhrana inhmang ve tak tak ho tan phei kha chuan a zahthlak leh zual.

98623---37

(SMS kan dawn te hi Ed. Bd ngaihnan a ni vek kher lo)

## DUHSAKNA AU AW

Pathian thu ngaithla tura sawmna. A hun : 26.2.2012 Dar 12:00 A hmun: Pu Chawngkhuma (Chka) In, 'K' Section.

Thupui:

“Sakawlh hmasa leh hnunung”  
Thupuan 13:2



C. Lalmuanpuia

Local Council member kan thlan tharte an ni a, mi fel leh tha tak tak anni ang; mahse, i puihna leh i finchhuahna tel lo chuan kan khawtlang hi tha takin an hruai thei lovang.

Inthlan hneh taka thununtu MPF Local Forum President.



Rev. B. Ropianga



Lalliansangpuia



F. Zosanga



H. Lalramhluna



H. Vanlalvena



RL. Thanhnuna



H. Lalthuama